

Na osnovu člana 16. stav 4. Zakona o Vladi Zeničko-dobojskog kantona-Prečišćeni tekst („Službene novine Zeničko-dobojskog kantona“ broj 7/10), na prijedlog Ministarstva za pravosuđe i upravu, Vlada Zeničko-dobojskog kantona na 106. sjednici održanoj dana 04.04.2013. godine, donosi

ZAKLJUČAK

I.

Ne privata se zahtjev Tomislava I. Đondraš iz Haljinića, Seoci b.b., za proglašenje ništavnim Zaključka Vlade Zeničko-dobojskog kantona o zauzimanju stajališta u vezi obračuna dodatka na plaću za posebne uvjete rada, broj: 02-34-9861/06 od 27.4.2006. godine (Ispravka, broj: 02-34-7084-1/06 od 12.4.2006. godine).

II.

Zaključak stupa na snagu danom donošenja.

Broj: 02-_____ /13.

Datum, 04.04.2013. godine

Z e n i c a

PREMIJER

mr.sci.Fikret Plevljak, dipl.ing.

DOSTAVLJENO:

1x Ministarstvo za pravosuđe i upravu,

1x Stručna služba Vlade,

1x a/a.

OBRAZLOŽENJE

I-PRAVNI OSNOV

Članak 16. stavak 4. Zakona o Vladi Zeničko-dobojskog kantona-Pročišćeni tekst („Službene novine Zeničko-dobojskog kantona“, broj: 7/10) kojim je regulirano da se zaključkom utvrđuju stavovi od značaja za sprovođenje politike i dr.

II-RAZLOZI ZA DONOŠENJE

Tomisla Đondraš iz Seoce b.b. Haljnići podnio je zahtjev za proglašenje ništavnim Zaključka Vlade Zeničko-dobojskog kantona o zauzimanju stajališta u vezi obračuna dohotka na plaću za posebne uvjete rada, broj: broj: 02-34-9861/06 od 27.4.2006. godine (Ispravka, broj: 02-34-7084-1/06 od 12.4.2006. godine).

U zahtjevu za proglašenje navedenog zaključka ništavnim je naveo da niti jedna Vlada nema pravo donijeti Zaključak kojim se dodatak za posebne uvjete rada neće isplaćivati za vrijeme godišnjeg odmora, obzirom da je Zakon o radu precizirao da svaki uposlenik ima pravo na plaću za vrijeme trajanja godišnjeg odmora u iznosu tri prosječne plaće, prije odlaska na godišnji odmor.

Navedenim zaključkom Vlada Zeničko-dobojskog kantona je zauzela stajalište da za vrijeme odsustva sa rada izvršiteljima poslova se neće isplaćivati dodatak za posebne uvjete rada za vrijeme godišnjeg odmora, odsustva zbog bolesti ili invalidnosti, suspenzije i sl. Utvrđeni dodatak za posebne uvjete rada isplaćivat će se samo za efektivne radne sate koje izvršitelji provodu radeći na radnom mjestu za koje je Odlukom o utvrđivanju dodatka za posebne uvjete rada, broj:02-34-7084 od 29.3.2006. i broj:02-34-9862/06 od 27.4.2006. godine utvrđen dodatak.

Smatramo da nema svrhe isplaćivati dodatak za posebne uvjete rada za vrijeme odsustva izvršitelja s rada. A s obzirom da ne postoje dokazi i obrazloženi razlozi za proglašenje navedenog zaključka ništavnim a i na činjenicu da se ne radi o upravnom aktu, te imajući u vidu i Programu mjera štednje Vlade Zeničko-dobojskog kantona, usvojenog Zaključkom Vlade Zeničko-dobojskog kantona, broj: 02-14-19424/11 od 15.7.2011. godine, to je potrebno donijeti ovaj zaključak.

III- Financijski efekti

Za sprovođenje ovog zaključka nisu potrebna dodatna sredstva u Proračunu Zeničko-dobojskog kantona jer nisu propisane nikakve naknade niti druge materijalne obveze.

MINISTRICA

Romana Brkić, dipl. pravnik , s.r.